

ORDER OF HOLY COMMUNION
(Persian Punjabi)

پاکِ رفاقتِ دی نماز

پنجابی بوئی وِچ

پنڈاں دی عیسائی جماعتاں لئی

کرسچین نالج سوسائٹی

لاہور

۶۱۹۱۳

قیمت ار

بارسوم ۱۰۰۰

پاک رفاقت دی نماز

قَسِیسُ اَکْلا رِبَّانِی دُعَا پڑھے

اے ساڈے باپ جو اسمان اُتے ہیں۔ تیرا نان پاک رکھیا جائے۔ تیرا
راج آدے۔ تیری مرضی جس طرح آسمان اُتے پوری ہندی ہے۔ زمین اُتے
بھی ہووے۔ ساڈی روز دی روٹی ارج سانوں دے۔ تے ساڈیاں قصور ان
نُونِ بخشدے۔ جس طرح اسیں اپنے قصور واراں نونِ بخشدیندے ہاں۔ تے
سانوں آزمائش وچ نہ پا۔ سگون بُریائی تھوں بچا۔ آمین *

دُعَا

اے قادرِ مطلق خدا۔ تیرے آگے ساریاں دلاں دا حال کھلیا ہویا ہے
مِنُونِ ساریاں دی مُراد معلوم ہے۔ تے تیتھوں کوئی بھیت لکھیا ہویا نہیں
ہندا ہے۔ اپنے رُوحِ القدس دے اِہام نال ساڈے دِلاندے وچاراں
نُونِ صاف کر۔ جو اسیں تیرے نال پورا پیار رکھیے۔ تے تیرے پاک نام
دی لائِق وڈیائی کریے۔ ساڈے خداوند یسوع مسیح دے دیلے نال۔ آمین *

خَادِمُ الدِّينِ - خدا نے او گھٹان فرمایاں - تے ایوں آکھیا - جو میں خداوند
تیرا خدا ہاں - توں میرے سامنے کسے دوجے نوں خدا نہ جان *
لوک - یارب ساڈے اُتے رحم کر - تے اس حکم نوں متن ول ساڈے
دلان نوں پھیر دے *

خَادِمُ الدِّينِ - توں اپنے لئی کوئی گھڑی ہوئی صورت یاں کسے چیز دی
صورت - جو اُپر آسمان اُتے - یا ہیٹھاں زمین اُتے - یاں پانی وچ جیڑا زمین
دے ہیٹھاں ہے نہ بناوین - نہ اُہناں نوں متھاٹھیں - تے نہ اُہناں نوں
پوچھیں - کیونجھ میں خداوند تیرا خدا غیرت والا خدا ہاں - تے میں پوچھو دادیاں
دیاں بُریاٹیاں اُہناں دی اولاد اُتے - جیڑے میرے نال ویر رکھدے
ہیں - بھٹی چوتھی پیڑی تیکر پچاؤندا ہاں - تے ہزاراں اُتے - جیڑے میرے
نال پیار رکھدے - تے میرے حکماں نوں مندے ہیں رحم کردا ہاں *
لوک - یارب ساڈے اُتے رحم کر - تے اس حکم نوں متن ول ساڈے
دلان نوں پھیر دے *

خَادِمُ الدِّينِ - توں خداوند اپنے خدا دانان بیفائدہ نہ لئیں - کیونکہ
جیڑا اُہناں بیفائدہ لیندا ہے - خداوند اُہنوں بیگناہ نہ سمجھے گا *
لوک - یارب ساڈے اُتے رحم کر - تے اس حکم نوں متن ول ساڈے
دلان نوں پھیر دے *

خَادِمُ الدِّينِ - توں سبت دے دن نوں پاک سمجھ کے یاد رکھیں - چھ
دن اپنی محنت تے سب کم دھندا کریں - پرستواں دن خداوند تیرے خدا دا

سبت ہے۔ اُہدے وچ کچھ کم کاج نہ کریں۔ نہ توں نہ تیرا پتر نہ تیری
 دھی نہ تیرا ٹھلیا نہ تیری ٹھلن۔ نہ تیرا چوکھر نہ کوئی پرایا آدمی جو تیرے کول
 آویسا ہو دے۔ کیوں جو چھیاں دناں دے اندر خدا نے آسمان تے زمین
 تے سمندر تے سب کچھ جو اُہناں دے وچ ٹے بنایا۔ تے ستویں دہاڑے
 آرام کیتا۔ اس واسطے خدا دند نے ستویں دن نوں برکت والا کر کے پاک ٹھہرایا۔
 لوک۔ یارب ساڈے اُتے رحم کر۔ تے اس حکم نوں متن ول ساڈے
 دلاں نوں پھیر دے۔

خَادِمُ الدِّينِ۔ توں اپنے ماں پٹو دی عزت کریں۔ تاں جو تیری
 عمر اُس دھرتی اُتے جیٹری تینوں خدا دند تیرا خدا دیندا ہے۔ ودھ جائے۔
 لوک۔ یارب ساڈے اُتے رحم کر۔ تے اس حکم نوں متن ول ساڈے
 دلاں نوں پھیر دے۔

خَادِمُ الدِّينِ۔ توں خون نہ کریں۔
 لوک۔ یارب ساڈے اُتے رحم کر۔ تے اس حکم نوں متن ول ساڈے
 دلاں نوں پھیر دے۔

خَادِمُ الدِّينِ۔ توں زنا نہ کریں۔
 لوک۔ یارب ساڈے اُتے رحم کر۔ تے اس حکم نوں متن ول ساڈے
 دلاں نوں پھیر دے۔

خَادِمُ الدِّينِ۔ توں چوری نہ کریں۔
 لوک۔ یارب ساڈے اُتے رحم کر۔ تے اس حکم نوں متن ول ساڈے

دِلاں نوں پھیر دے *

خادم الدین۔ توں اپنے گواہنڈی اُتے جھوٹی گواہی نہ دئیں *
لوک۔ یارب ساڈے اُتے رحم کر۔ تے اِس حکم نوں متن ول ساڈے

دِلاں نوں پھیر دے *

خَادِمُ الدِّين۔ توں اپنے گواہنڈی دے گھر والا لچ نہ کریں۔ نہ توں
اپنے گواہنڈی دی وُہٹی والا لچ کریں۔ نہ اُہدے ٹہلے نہ اُہدی ٹہلن۔ نہ
اُہدے بلد نہ اُہدے کھوتے تے نہ کسے ہو ر چیز دا جو تیرے گواہنڈی دی
ہو دے *

لوک۔ یارب ساڈے اُتے رحم کر۔ تے اِہناں اپنیاں ساریاں حکماں
نوں ساڈے دِلاں اُتے لکھ دے *



هن کالکٹ پڑھی جائے۔ تے اُہدے مگر خط تے خط پڑھن
تہوں پھلے قسیس آیوں آکھے۔ جو خط فلاں کتاب دے فلاں باب
وِچ فلاں آیتوں لیکے لکھیا ہو یا ہے۔ تے خطوں پچھے ایوں
آکھے۔ جو اِتھے خط پورا ہو یا *

پھر سارے لوک کھلوجان تے قسیس انجیل نوں سناوے
تے ایوں آکھے۔ جو انجیل شریف فلاں کتاب دے فلاں باب
وِچ لکھی ہوئی ہے۔ تے فلاں آیتوں اُہدا شروع ھندا
ہے *

عقیدہ

میں منداہاں اک خدا نوں جو قادر مطلق باپ ہے۔ ار آسمان تے زمین
تے ساریاں ویکھیاں تے انوکھیاں چیزاں دا بنادن والا ہے +
ار میں منداہاں اک خداوند یسوع مسیح نوں۔ جو خدا دا اکلوتا بیٹا ہے
اے ساریاں زمانیاں کھنوں پہلے باپ کھنوں مولود ہويا۔ خدا وچوں خدا
نور وچوں نور۔ سچے خدا وچوں سچا خدا۔ مصنوع نہیں پر مولود۔ اُہدی ار
باپ دی اکو ذات ہے۔ اُہدے دیلے ساریاں چیزاں پیدا ہوئیاں۔ اُہ
اساں آدمیاں دے لئی تے ساڈی نجات دی خاطر آسمانوں اتر آیا۔ اُہ
روح القدس دے ویلے کنواری مریم کھنوں دہدہاری ہو گیا۔ تے آدمی بنیا
تے پطرس پلاطوس دی حکومت وچ ساڈے واسطے صلیب دتا گیا
اُہنے دکھ سہیا۔ تے دفنایا گیا۔ ار بجے دہڑے لکھتاں موجب جی اٹھیا
ار آسمان اُتے چڑھ گیا۔ تے باپ دے سچے ہتھ بیٹھا ہويا ہے۔ ار
جیونڈیاں تے مویاں دا لیکھا لین نوں جلال دے نال مڑ آئے گا
اُہدی بادشاہی دا انت نہ ہووے گا +

ہور میں منداہاں روح القدس نوں۔ اُہ رب ہے تے جیون داتا۔
اُہ باپ ار بیٹے وچوں بکلا ہے۔ باپ ار بیٹے دے نال اُہدی عبادت ار
دُوبائی کیتی جاندی ہے۔ اُہ نبیاں دی زبانی بولیا۔ تالے اک پاک
کا تو لک رسولی کلیسیا نوں میں منداہاں۔ گناہاں دی معافی واسطے میں

اک بیتما مندا ہاں۔ ارمویاں دی قیامت۔ آر آؤن ولے جہاندی
زندگی دا امیدوار ہاں۔ آمین *

نصیحت

چندہ

چندے دے ویلے پڑھن والیاں آیتاں
تھاڈا چانن منکھاں دے سامنے اس طرح چکے۔ پئی اہ تھاڈے
نیک کماں نوں ویکھن تے تھاڈے باپ دی جہڑا اسماناں وچ ہے وڈیائی
کرن (متی ۵ باب ۱۶ آیت)

دولت اپنے لئی زمین اُتے اکٹھی نہ کرو جتھے کپڑا تے زنگار خراب
کردے ہین۔ تے جتھے چور سَنہہ مار دے تے چُراؤ نڈے ہین۔ پر دولت
اپنے لئی اسماناں اُتے جمع کرو جتھے نہ کپڑا نہ زنگار خراب کردے۔ تے نہ
اُٹھے چور سَنہہ مار دے نہ چُراؤ نڈے ہین۔ (متی ۶ باب ۱۹-۲۰ آیتیں)
جو کجھ تئیں چاہنڈے ہو جو لوک تھاڈے نال کرن۔ اجیہا تئیں
بھی اہناں نال کرو۔ کیونجو توریت تے بنیاں دا مطلب ایہو ہی ہے۔
(متی ۷ باب ۱۲ آیت)

جو تھوڑا بچدا ہے سو تھوڑا وڈھے گا۔ جو بُت بچدا ہے سو بُت
وڈھے گا۔ ہر اک نے جتاں اپنے دل وچ ٹھیرایا ہے اُتناں ویلے۔ نہ اوکھا

ہو کے یاں مجبوری نال۔ کیونجو خدا خوشی نال دین ولے نوں پیار کردا
ہے (۲۔ قرنیوں ۹ باب ۶ دے آیت)

جیہا سائوں موقع ملے تہا آسیں سارے آدمیاں دا بھلا کرے۔ تے
خاص کراہناں لوکاں لئی جیڑے ایمان دار ہین۔ (گلیتوں ۶ باب ۱۰۔
آیت) *

خدا انیائی نہیں ہے۔ جو تہاڈے کم تے اُس پیار نوں بھل جائے جڑے
ٹسیں اُہدے نام اُتے کر دے ہوئے دکھاؤندے ہو۔ جو ٹساں پاک لوکاں
دی ٹہل کیتی تے ہن بھی کر دے ہو۔ (عبرانیوں ۶ باب ۱۰ آیت) *

بھلا کر ناتے خیرات دینا بھل نہ جاؤ۔ کیونجو خدا جیہی قربانی اُتے راضی
ہے۔ (عبرانیوں ۱۳ باب ۱۶ آیت)

اپنی طاقت موجب دیا کر۔ جے تیرے کول بہتیرا ہووے تاں بہت
دیدے۔ جے تیرے کول تھوڑا ہووے تاں اُس تھوڑے ہی وچوں خوشی
نال دین دی کوشش کر۔ کیونجو اس طرح توں ضرورت دے دن واسطے اپنے
لئی چنگا بدلا جمع کر دے (توبت ۴) *

دھن ہے اہ آدمی جیڑا بیماراں تے محتاجاں واسطے فکر کردا ہے۔
خداوند مہیبت دے ویلے اُنہوں چھڈا دے گا۔ (زبور ۴۱۔ آیت)

ھن قسبس آکھ

مَسِيحُ دِي سَارِي كَلِيسِيَا لِي جِيهِي دُنِيَا وَجِ جَنك كَرِيهِي هِي اَسِيں عَامَنِيكِي
اے قاور خدا توں سدا جیوندا ہیں۔ تے توں سائوں پوئوس رسول دی

راہیں اہ سکھا لیا ہے۔ جو ساریاں آدمیاں لئی دُعا تے منت تے شکر کریے
 اساں عاجزاں دی عرض اہ ہے۔ پٹی تیری دیا نال (ساڈی خیرات تے نذراں
 تے) ساڈیاں اہ دُعاواں تیری درگاہ وچ منظور ہوون۔ اپنی کلیہ کلیسیا
 نوں سچائی تے میل ملاپ تے اک دلی دی رُوح سدا عنایت کر۔ تے اہ
 بخش کہ جتنے تیرے پاک ناں دے اقرار کرن والے ہن۔ تیری مقدس کلام
 دی سچائی بابت اکتو جیسی سمجھ رکھن۔ تے ملاپ تے دینی محبت نال زندگی
 کٹن۔ سارے عیسائی بادشاہاں تے حاکماں نوں سلامت رکھ۔ خاص کر اپنے
 بندے ساڈے بادشاہ جارج پنجم قیصر ہند نوں۔ تاں جو اہے راج وچ ساڈے
 ویس دا انتظام سلامتی تے دینداری نال ہووے۔ تے اُہدی کونسل تے
 اُہناں ساریاں نوں جیڑے اُہدے وٹوں اختیار رکھدے ہن۔ اہ بخش
 جو اہ صفائی نال بنا رورعایت عدالت کر کے بُریائی دی سزا دین۔ اُر
 سچے دین تے دینداری نوں قائم رکھن۔ اے آسمانی باپ ساریاں بشاں
 تے پادریاں اُتے فضل کر۔ جو اہ اپنے چال چلن تے سکھیا نال تیری سچی
 زندگی دین والی کلام نوں دکھا کے دس تے تیری پاک ساکرمینٹاں دی
 واجب تعمیل کرن۔ اپنیاں ساریاں بندیاں اُتے آسمانوں فضل بھیج۔
 خاص کر کے اِس منڈلی اُتے جیڑی حاضر ہے۔ پٹی غریب دلی تے ادب
 نال تیری پاک کلام سُنن تے مَن لین۔ تے صفائی تے راستی نال عمر بھر
 تیری سچی بندگی کروے رہن۔ اے خداوند اسیں بڑی عاجزی نال عرض
 کرنیاں کہ تُوں مہربانی کر کے سمجھناں لوکاں دی تسلی تے مدد کر۔ جیڑے

اس چار دھاڑے دی زندگی دے رنج غم تنگی بیماریاں ہور کسے
 مصیبت وچ پھسے ہوئے ہین۔ شکر ہے تیرے پاک ناں دا تیرے اہناں
 ساریاں مومنوں لئی جیہڑے ایمان تے تیرے خوف وچ اس جہانوں
 کوچ کر گئے ہین۔ ہُن سانوں اپنا فضل بخش کہ اسیں بھی اہناں وانگر
 ایوں نیکی دے راہ پئے۔ جو اہناں دے سنگ تیری آسمانی یاد شاہی
 وچ شامل ہوئے۔ اے باپ اہ بخش دے۔ ساڈے اکتے درمیانی تے
 شافع یسوع مسیح دی خاطر۔ آمین *

عشاء سربانی لین والے جد ٹکانے سر بیٹھ جاوَن تدا پادری نصیحت دی
 ایہ گل سناوے

اے پیارے مسیحی بھائیو! تیں جیہڑے ساڈے بچاؤن والے خداوند
 مسیح دے بدن تے لہو دی پاک رفاقت وچ شامل ہو یا چاہندے ہو۔
 تہانوں سوچنا چاہی دا ہے۔ جو حضرت پولوس رسول سبحناں نوں کیکر نصیحت
 کردا ہے۔ پٹی جد تیکر اہ اپنے آپ نوں چنگی طرح پرکھ تے جاچ نہ لین۔ اس
 روٹی نوں کھاوَن تے ایس پیالے نوں پیوَن دا حوصلہ نہ کرن۔ اہ ٹھیک
 جان لو۔ پٹی جے آسیں توبہ کر کے سچے دل تے جیؤندے ایمان ناں ایس پاک
 رفاقت وچ شامل ہوئے تاں بڑا فائدہ ہندا ہے۔ کیونجہ ایس طرح ساڈیاں
 رُوحاں مسیح دا گوشت کھانڈیاں تے اہا لہو پیندیاں ہین۔ ایویں آسیں مسیح
 وچ تے مسیح ساڈے وچ وسدا ہے۔ اے آسیں تے مسیح اک ہو جائدے ہاں
 پر جے اسیں ایوں نہ کرئے تاں بڑا ڈر ہے۔ کیونجہ اس طرح اسیں اپنے

بچاؤن والے مسیح دے بدن تے لہو دے گناہیں اُندے ہاں۔ اسیں بے
 ادبی نال خداوند دے بدن تے لہو نوں کھاپی کے اپنے سر عذاب لیاؤندے
 ہاں۔ تے خدا نوں اپنے اُتے غصہ کراؤندے ہاں تے اُس نوں اجیہا
 چڑاؤندے ہاں۔ جو وُن سو وُنے روک تے طرح طرح دیاں آفتاں تے مرگاں
 ساڈے اُتے گھلے۔ سو بھراؤ۔ تسیں آپو آپنا لیکھا آپ ہی سمجھو۔ تاں جو خدا
 نوں لیکھا نہ دینا پئے۔ تسیں اپنیاں پکھلیاں گناہاں کھنوں سچی توبہ کرو۔
 تے اپنے بچاؤن والے مسیح اُتے جیونداتے پکا ایمان رکھو۔ اپنیاں دیاں
 ٹھیک کرو۔ تے سمجھناں نال گاڑھی پریت رکھو۔ تد تسیں اس پاک رسم
 دیاں بھیتاں وچ شریک ہو وُن جو گے ہوؤ گے۔ پر ساریاں گلاں نالوں
 ودھیک بڑی عاجزی نال اس گل لئی خدا باپ تے بیٹے تے روح دا شکر
 کرنا چاہی دا ہے۔ جو ساڈے بچاؤن والے مسیح نے۔ جیہڑا خدا تے آدمی نوں
 ہے۔ اپنی موت تے دکھاں دی راہیں دُنیاں نوں چھڑا لیا۔ اُہنے اپنے آپ
 نوں ایڈا بنواں کیتا جو صلیب دی موت بھی جھل لئی۔ تاں جو اساں خوار
 لاچار گناہیاں نوں۔ جیہڑے انھیرے تے موت دے وِس وچ سُن کالپوے
 تے ساوُن خدا دے پُتر بناوے۔ تے سدا دا جیون بخشے۔ اَر ساڈے مالک تے
 اِکے بچاؤن والے یسوع مسیح نے اپنی محبت دی شاہدی تے اپنی موت دی
 یادگاری تے ساڈی سدا دی تسلی لئی اہ پاک رسم ٹھہرائی۔ تاں جو اسیں
 اُہی اس ڈاڈی محبت نوں یاد رکھیے جو اہ ایسے طرح ساڈے لئی موٹیا
 تے اپنا ہنگ ملّا لہو دے ساوُن انگنت نعمتاں بخشیاں۔ سو ہُن آؤ۔ پٹی

جو میں سانوں مناسب ہے۔ باپ تے پاک رُوح سنے اُس دا شکر کر دے
 رہے۔ تے اپنے آپ نوں مولوں اُہدے اُتے چھڈ دیے۔ تے ساری عمر
 دل دی صفائی تے سچائی نال اُہدی ٹھل کر دے رہے۔ آمین *
 تَدَقِیس اُھناں نوں جھڑے پاک دفاقت وچ شَرِیک ھوون لئی آئے ہین آکھ
 تیس جڑے دلوں بجانوں اپنے گناہاں بھقوں سچی توبہ کر دے تے
 اپنے گواہنڈیاں نال پریم پیار رکھ دے ہو۔ تے خُدا دے حکماں موحب
 اگے نوں اُس دے پاک طریقیاں اُتے نویں زندگی دی چال چلنا چاہندے
 ہو۔ ایمان نال نیڑے آؤ تے اپنی تسلی لئی اس پاک ساکریمینٹ نوں لیو
 تے عاجزی نال گوڈے نواکے خدا قادرِ مطلق دے اگے اہ اقرار کرو *

گناہاں دا اقرار

اے قادرِ مطلق خُدا ساڈے خُداوند یسوع مسیح دے باپ توں ساریاں
 چیزاں بنائیاں۔ تے ساریاں آدمیاں دا انصاف کردا ہین۔ اسیں اپنے
 انگنت گناہاں تے خرابیاں نوں مَن کے تیرے اگے روئدے ہاں۔ اہاں
 ویلے کویلے اپنے خیال تے زبان تے کماں نال تیری شاں دے برخلاف
 ات بُریائی کیتی ہے۔ اَساں ٹھیک تیرا عُصّہ تے غضب بھڑکایا ہے۔ جی
 جان نال اسیں توبہ کر دے ہاں۔ اسیں دلوں کچھتاؤندے ہاں۔ پئی ایڈ
 گناہ اَساں کاہنوں کیتے۔ اُہناں دے چیتے دا بھی سانوں بُراؤ دکھ ہے۔
 تے نہ اُہناں دا بھار سا بھقوں چُکیا جائدا ہے۔ ساڈے اُتے رحم کر۔ رحم کر

اے رحیم باپ۔ جو کچھ ساقیوں ہو یا ہے۔ اپنے بیٹے ساڈے خداوند
 یسوع مسیح دے وسیلے معاف کر۔ تے اہ بخش۔ کہ اگتے نوں نوں زندگی
 دی چال وچ اسیں تیری اجیہی سیوا کریئے۔ جو تینوں منظور ہووے۔ تے
 تیرے نام دی عزت تے وڈیائی کیتی جاوے۔ ساڈے خداوند یسوع مسیح دے
 وسیلے۔ آمین ۞

مَغْفِرَتِ دَاكَلَمَه

قادرِ مطلق خدا ساڈا اسمانی باپ جھنھے اپنی بڑی رحمت نال اہناں
 سمجھناں نوں معافی دا وعدہ فرمایا ہے۔ جیہڑے دلی توبہ تے سچے ایمان
 نال اُہدی ول مُردے ہین۔ اُہ تھادے اُتے رحم کرے۔ اُہ تھانوں بخشے
 تے ساریاں گناہاں تھوں چھٹکارا دیوے۔ ساریاں نیک کماں وچ
 تھانوں تنگڑیاں تے تیار کرے۔ تے ہمیشہ دی زندگی توڑی اُٹراوے۔
 ساڈے خداوند یسوع مسیح دے وسیلے نال۔ آمین ۞

تَدْقِيسِ اِكْهِیْكَ

سُنو کیڈی تسلی دیاں باتاں ساڈا نجات دینے والا یسوع مسیح
 اہناں سمجھناں لوکاں نوں فرماؤندا ہے۔ جیہڑے سچے دل نال اُہدی
 ول آؤندے ہین۔

ہے سارے تھکے ہوئے۔ تے بھار والیو۔ میرے کول آؤتے میں تھانوں
 آرام دیاں گا۔ (متی ۱۱۔ باب ۲۸ آیت) ۞

خدا نے دُنیا نوں اِجہا پیا کیتا۔ جو اُہنے اپنا اکلوتا بیٹا بخشیا۔ تانجو ہر کوئی
جیہڑا اُس اُتے ایمان لے آئے۔ ناس نہ ہووے۔ سگوں سدا دی زندگی
پاوے۔ (یوحنا ۳ باب ۱۶ آیت) *

جو پوئوس رسول کندا ہے اہ بھی سنوں *

اہ گل سچّی تے بستھناں دے منن جوگ ہے۔ جو یسوع مسیح گنہگاراں
نوں بچاؤن لئی دُنیا وِج آیا۔ (امتطاؤس ۱ باب ۱۵ باب) *

جے کوئی گناہ کرے تاں یسوع مسیح راستباز باپ کول ساڈا شفیع ہے
تے اہ ساڈے گناہاں واکفارا ہے (یوحنا ۲ باب ۱ آیت) *

پھیر قیس آکھے

قیس۔ بھائیو اپنیاں دلاں نوں اُتاتہ چکو
جواب۔ ہاں آریں دل نوں خداوند دل چکدے ہاں *

قیس۔ آریں اپنے خداوند خدا دا شکر کریئے *

جواب۔ ایہو کرنا لائق تے مناسب ہے *

ہن قیس پڑھے

اہ گل بہت لائق تے مناسب ہے۔ تے ساڈے اُتے فرض بھی
ہے۔ جو ہر ویلے تے ہر تھاں تیرا شکر کردے رہیے۔ اے خداوند
مقدس ✠ باپ۔ قادرِ مطلق تے ہمیشہ دے خدا *

✠ اہ لفظ یعنی مقدس باپ عیدِ تثلیث دے اتوار نوں چھڈے جان *

جو کسی عید دے واسطے تعریف دا خاص کلمہ مقرر ہووے تاں اِھتہ پڑھیا

جاوے پھیر قیس اس طرح سناوے

اِس واسطے فرشتیاں تے اعلیٰ فرشتیاں تے ساری اسمانی جماعت
دے سنگ آسیں تیرے جلالی ناں دی تعریف تے وڈیائی کر دے ہاں
تے ہمیشہ تیری اُست کر کے اِہ کہندے ہاں۔ قدّوس قدّوس قدّوس
فوجاں دارب۔ آسمان تے زمین تیری شان نال بھرے ہوئے ہین
اے باری تعالیٰ تیری ہی شان ہے۔ آمین *

تعریف دے خاص کلمے

عید تولد اِہ اُھدے اُھو اِہ واسطے

اِس لئی جو توں اپنے اکلوتے بیٹے یسوع مسیح نوں بخشیا جو انہیں دینیں
ساڈے واسطے جنم لیوے۔ اُہ رُوح القدس دی قُدرت نال اپنی ماں کنواری
مریم دی ذات وچوں سچ مچ آدمی بنیا۔ سوہی گناہ دے داغ تھوں
پاک۔ تاں جو سانوں گناہ تھوں رہت کرے *

عید فسخ تے اُھدے اُھو اِہ واسطے

پر خاص کر کے تیرے بیٹے ساڈے خداوند یسوع مسیح دی جلالی قیامت
واسطے تیری تعریف کرنی ساڈے اُتے فرض ہے۔ کیونجوں فسخ دا اصل بُرہ
اُہ ہے جہڑا ساڈے بدلے قربان ہو کے دُنیا دا گناہ چُک لے گیا ہے۔
اُہنے اپنی موت نال موت دا ناس کیتا تے اپنے جی اُٹھن نال

انت جیون سانوں دُوجی وار بخشیا ۛ

عید صعود تے اُہدے اٹھوار دے واسطے

تیرے بہت پیارے بیٹے ساڈے خداوند یسوع مسیح دے وسیلے
نال۔ اُہنے اپنی جلالی قیامتوں پہچھے اپنیاں ساریاں رسولاں نوں
درشن وِتّا۔ تے اُہناں دے ویکھدیاں ہوياں اسمائیں چڑھ گیا۔ تاجو ساڈے
واسطے تھاں بناوے۔ کہ جتھے اُہ ہے اُتھے اسیں بھی چڑھ کے اُہدے
نال جلال وِج راج کرے ۛ

عید پینتکوست تے اُہدے اٹھوار دیواسطے

اپنے خداوند یسوع مسیح دے وسیلے۔ کہ اُہدے پورے پکے وعدے
موجب رُوح القدس اِکھیں دینیں اسمانوں اچانک اُتریا۔ وِدی ہخیری
دی شوکر وَانگر۔ تے اگ جہیاں زباناں دی صورت بن کے رسولاں اُتے
آٹھریا جو اُہناں نوں سکھیا دیوے۔ تے ساری سچیاں دے واساں
وا اگو ہووے۔ اُہنے رسولاں نوں وکھریاں زباناں دی کرامت بخشی نالے
ہمت بھی وِتی۔ کہ ولی جوش نال ساریاں قوماں نوں اِجیل سناؤن
اس سببوں اسیں ہخیرے تے بھل وِچوں نکالے تیرے تے تیرے
بیٹے یسوع مسیح دے صاف چانن تے صحیح پہچان نوں اپڑے ۛ

نری عید تثلیث دے واسطے

توں اک خدا اک خداوند ہیں۔ نرا اک اقنوم نہیں۔ سگوں اک
ذات دے تِن اقنوم۔ کیوں کہ جو کچھ اسیں باپ دے جلال دی بابت

مندے ہاں۔ اُہ اسیں بناں فرق تے کم و بیشی بیٹے تے رُوح القدس
دی بابت مندے ہاں *

تَدَقْسِیْسُ گوڈے نواکے اِہ دُعَا پِٹڑھے

اے رحیم خُداوند ساڈے وِچ اِنا حوٹِصلہ نہیں ہے۔ جو اپنیاں نیکیاں
اُتے بھروسہ کر کے تیری میز دے نیڑے آئیے۔ پر تیریاں بُہت ساریاں
وڈیاں رحمتاں اُتے آسرا کر کے حاضر ہندے ہاں۔ اسیں تیری میز دا ڈِگّا
ڈِگّا یا چوڑ بھوڑ چُن دے لائق بھی نہیں ہاں۔ پر تُوں اُسی خُداوند
ہیں۔ جہدا اصلاً ہمیشہ رحم کرنا ہے۔ اِس لئی اے مہربان خُداوند۔ اہ بخش
جو تیرے پیارے بیٹے یسوع مسیح دا گوشت اِسیں اِسطح کھائیے۔ تے
اُہدا لہو اِس طرح پیئے۔ جو ساڈے پانی سَریہ اُہدے سریرِ نال پاک صاف
ہو جان۔ تے ساڈیاں رُوحاں اُہدے اَن ملے لہو نال دھوتیاں جان
تے اِسیں اُہدے وِچ رہے۔ تے اُہ ساڈے وِچ۔ آمین *

تَقْدِیْسِ دِی دُعَا

اے قادرِ مطلق خُدا ساڈے اسمانی باپ۔ تُوں اپنی بڑی مہربانی
نال اپنے اکلوتے بیٹے یسوع مسیح نوں اِس واسطے بخش دِتا۔ جو اُہ ساڈے
چھٹکارے لئی صلیب اُتے موت دا دکھ سہے۔ اہنے صلیب اُتے اِکو واری
اپنے آپ نوں چڑھاوا کر کے اک پوری تے کافی قُربانی۔ چڑھاوا۔ تے بدلا
سارے جہان دے گناہاں دے واسطے دِتا۔ نالے اپنی اَنل موت دی

دائمی یادگاری ٹھہرا کے انجیل شریف وچ سائوں حکم دتا۔ کہ جدوں تیکر
 میں مُرنہ آواں تئیں لگاتار ایوں کر دے رہو۔ اے جیم باپ اساں
 عاجزاں دی بہتی سُن لے۔ تے اہ بخش جو اسیں تیرے بیٹے اپنے
 بچاؤ نوالے یسوع مسیح دے پاک انتظام موجب۔ اُس دی موت تے
 دکھ دی یادگاری وچ تیری اہ بنائی ہوئی روٹی تے وین کھاپی
 کے اُس دے مبارک بدن تے لہو وچ شریک ہوئے۔ کہ جس رات
 اہ پکڑایا گیا سی۔ اُہنے روٹی لئی۔ تے شکر کر کے توڑی۔ تے اپنیاں
 شاگرداں نوں دیکے اکھیا۔ تو۔ کھاؤ۔ اہ میرا بدن ہے۔ جہڑا تھلے
 واسطے دتا جاندا ہے۔ میری یادگاری وچ ایوں کریا کرو۔ ایسے طرح
 کھانیوں پچھتے اُہنے پیالہ لیا۔ تے شکر کر کے اُہناں نوں دیکے اکھیا
 تئیں سارے اہدے وچوں پیو۔ کیونجو نویں نیم دا اہ میرا لہو ہے۔
 جہڑا تھادی تے بہتیاں دیاں گناہاں دی مُعافی لئی دہایا جاندا ہے۔
 جدوں تئیں اہنوں پیو۔ میری یادگاری وچ پیا کرو۔ آمین ۔

جَدِّ خَادِمِ الدِّینِ کَسے نوں روئی دِیوئے ایوں اکھئے جو

ساڈے خداوند یسوع مسیح دا بدن۔ جو تیرے واسطے دتا گیا۔ تیرے
 بدن تے رُوح نوں ہمیشہ دی زندگی لئی بچائے رکھے۔ اہنوں لے
 تے کھا۔ اس گل دی یادگاری وچ جو مسیح تیرے بدلے مویا۔ تے شکر
 کردیاں۔ اپنے دل وچ۔ ایمان نال اہنوں کھایا کر ۔

تے جَد خَادِمُ الدِّينِ کسے نوں پیالہ دیوئے ایوں آکھے جو

ساڈے خداوند یسوع مسیح داکو۔ جو تیرے واسطے بہایا گیا۔ تیرے
بدن تے رُوح نوں ہمیشہ دی زندگی لئی بچائی رکھے۔ اہنوں پی۔ اس
گل دی یادگاری وچ جو مسیح داکو تیرے واسطے بہایا گیا۔ تے شکر کریں۔

جَد سَارے حَاضِرین عِشائے رَبَّانِی نوں لے چکن
جَماعت گوڑے نواوے تے قسب دے مگر ربَّانِی دُعا پڑھے

اے ساڈے باپ جو آسمان اُتے ہیں۔ تیرا ناں پاک رکھیا جائے
تیرا راج آوے۔ تیری مرضی جس طرح آسمان اُتے پوری ہندی ہے۔ زمین
اُتے بھی ہووے۔ ساڈی روز دی روٹی اج ساٹوں دے۔ تے ساڈیاں
قصوراں نوں بخش دے۔ جس طرح اسیں اپنے قصور واراں نوں بخش
دیندے ہاں۔ تے سانوں از مائش وچ نہ پا۔ سگوں بُریائی تھوں بچا
جو راج تے قدرت تے وڈیائی سدا تیری ہی ہے۔ آمین

تداہ دُعا پڑھی جاوے

اے خداوند۔ تیرے عاجز بندیاں دی آرزو۔ اے اسمانی باپ
تیرے فرزنداں دی دلی خواہش اہ ہے۔ پئی توں اپنی مہربانی تے رحم نال
ساڈی اس تعریف تے شکرگزاری دی قربانی قبول کر۔ نالے اسیں بڑی

غریبی نال اہ منگدے ہاں۔ جو تیرے بیٹے یسوع مسیح دے ثواب تے
 موت دے سبب۔ تے اُہدے کو اُتے ایمان رکھن دے کارن۔ سائوں
 تیری کُل کلیسیا سنے۔ اپنے گناہاں دی مُعافی تے مسیح دے دُکھ دے
 ہور سارے فائدے ملن۔ سوائے خداوند اس ویلے جان تے تن نوں
 نذر کر کے۔ اپنے آپ نوں تیرے حضور چڑھاؤندے ہاں۔ جو تیرے لئی
 عقل والی تے پاک۔ تے جیوندی قربانی ہوئے۔ ار عاجزی نال اہ عرض
 کردے ہاں۔ کہ اسیں جتنے اس پاک رفاقت وِچ شریک ہوئے ہاں۔
 تیرے فضل تے اسمانی برکت نال بھر جائیے۔ سو بھادیں اسیں اپنے
 انگنت اوگن کر کے اس گل جو گے نہ رہے۔ جو تیرے آگے کوئی قربانی
 چڑھائیے۔ تد بھی اہ ساڈا لازمی فرض تے خدمت تیری درگاہ وِچ قبول
 ہووے۔ تے توں ساڈی قدر نہ جانچ۔ پر ساڈیاں قصوراں نوں بخش
 دے۔ ساڈے خداوند یسوع مسیح دے ویلے نال۔ اُسی دی راہ
 اُسی دے نال۔ رُوح قدس دی یکنائی وِچ۔ اے قادر
 تے دُبیائی ہمیشہ کیتی جاوے۔ آمین ۔

پاک

اے قادرِ مطلق

اس گل دا شک

پاک بھیتا

ساڈے بچاؤ نوالے۔ یسوع مسیح دے اٹل بدن تے کو دا روح سانی
 بھوجن۔ دیا کر کے کھلاؤ ندا ہیں۔ تے اپنا پیار تے رحمت سائوں ایوں
 جتاؤ ندا ہیں تے اہ بھی یقین دواؤ ندا ہیں۔ جو سارے مومنوں دی
 مبارک جماعت دے نال ایس تیرے بیٹے دے حقیقی بدن وچ سچ
 مچ ملے ہوئے انگ ہاں۔ تے تیرے عزیز بیٹے دی پیاری موت تے
 دکھاں دے ثواب دے سبب۔ امید دی راہیں۔ تیری ہمیشہ دی
 بادشاہی دے وارث بھی ہوئے ہاں۔ تے اے اسمانی باپ۔ اسیں
 بڑی عاجزی نال عرض کرنیاں۔ جو توں اپنے فضل نال ساڈی اجیہی
 مدد کر۔ جو اسیں اس پاک رفاقت وچ سدا ملے رہیے۔ تے اہناں ساریاں
 اہ کماں نوں کر یا کرئیے۔ جہناں نوں توں اگتے تھوں ساڈے
 ملے مقرر کیتا ہے۔ اہ ساڈے خداوند یسوع مسیح دے وسیلے ہوو
 تے روح القدس سنے ساری عزت تے وڈیائی ہمیشہ

کامہ

تے زمین اُتے

تے

موت

خداوند خدا۔ آسمانی بادشاہ۔ خدا قادر مطلق باپ +
 اے خداوند یسوع مسیح۔ اکلوتے بیٹے۔ اے خداوند خدا۔ خدا دے
 ہمیں۔ باپ دے بیٹے۔ جو دنیا دے گناہاں نوں اٹھالیاں اہیں۔ ساڈے
 تے رحم کر۔ توں جو دنیا دے گناہاں نوں اٹھالیاں اہیں۔ ساڈے اُتے
 ۔ توں جو دنیا دے گناہاں نوں اٹھالیاں اہیں ساڈی دُعا قبول
 توں جو خدا باپ دے سچے ہتھ بیٹھا ہو یا اہیں۔ ساڈے اُتے رحم کر +
 کیونجہ توں ہی اکلّا قدوس ہیں۔ توں ہی اکلّا خداوند ہیں۔ توں ہی
 اے مسیح۔ روح قدس دے سنگ۔ خدا باپ دی وڈیائی وِج
 تھوں اُچے درجے اُپدے ہیں +

بَرکَتُ دَاکَلَمَہ

سلام اللہ جو ساری عقل تھوں پرے ہے۔ خدا تے
 ساڈے خداوند یسوع مسیح دی پہچان تے
 تے خیالاں دی راکھی کرے۔ تے خدا
 ح القدس دی برکت۔ تہاڈے وِج
 تہ ہے۔ آمین +



غلام قادر مسیحی پرنٹر لاہور دی راہیں
نول کشور پریس لمیٹڈ لاہور وچ چھپی۔

